

ՆԱՅՏԱՐԱՐՈՒԹՅՈՒՆ

Գերագույն Հոգևոր Խորհուրդը Կանադայի հայոց թեմի Թեմական Խորհրդից խորին մտախոհությամբ քննարկելով, որ Մեծի Տանն Կիլիկիո Կաթողիկոսությունը ցավալի իր վախճանին է հասցրել Ամենայն Հայոց Հայրապետության կանոնական փարածք հանդիսացող Կանադայի հայոց թեմում զուգահեռ վարչական կառույց հաստատելու գործընթացը՝ հակառակ Ամենայն Հայոց Կաթողիկոսի և Գերագույն Հոգևոր Խորհրդի եղբայրական հորդորներին:

Սույն քայլը եկեղեցաբանական և նվիրապետական առումներով, ինչպես և հայ ժողովրդի հոգևոր միասնության անխաթարության պահպանության իմաստով չունի որևէ արդարացի բացատրություն և հիմնավորում:

Երևույթն ավելին է, քան հակականոնական ևս մեկ թեմի ծնունդը: Այն հաստատում է, որ Մեծի Տանն Կիլիկիո Կաթողիկոսությունը պարզապես չէ վերանայելու 1956 թվականին որդեգրած պառակտողական ոգին և Մայր Աթոռի հետ համախորհուրդ վերականգնելու կանոնական վիճակը Հայ Եկեղեցուց ներս: «Մեկ ազգ, մեկ Հայրենիք, մեկ Եկեղեցի» կարգախոսին իր նվիրվածության հավաստիացումներին հակառակ, Մեծի Տանն Կիլիկիո Կաթողիկոսությունը «նոր վերադասավորումներով» հետևողականորեն փորձում է ընդարձակվել և ամրագրվել սառը պատերազմի օրերին քաղաքական շարժառիթներով Ամենայն Հայոց Կաթողիկոսությունից զրաված թեմերում՝ խորացնելով բաժանումը Հայ Եկեղեցու մեջ և վերանգնելով 1988 թվականից ի վեր Մայր Աթոռի հետ բարելավված հարաբերությունները:

Մեծի Տանն Կիլիկիո Կաթողիկոսությունը չի ցանկանում տեսնել արդի աշխարհում փոփոխված իրավիճակները, Հայրենիքի անկախության իրողությամբ պայմանավորված հրամայականները և արժեքները նոր ժամանակների ոգին, որ պահանջ է առաջադրում վերականգնել ու անխաթար պահել Հայ Եկեղեցու և ազգի միությունը:

Հայ Եկեղեցու գերագույն և անանց արժեք հանդիսացող աշխարհասփյուռ մեր ժողովրդի միասնականությունն ու միությունը խախտելու ցանկացած փորձի Մայր Աթոռ Սուրբ Էջմիածինը հակադրելու է այդ միությունն անխախտ ու անսասան պահելու վճռական իր հաստատվածությունը:

Սուրբ Էջմիածինը դիմում է Կանադայի և Մայր Աթոռից զրավված բոլոր թեմերի հավատարմորդ զավակներին՝ հայտնելով, որ անփոփոխ է իր հայրական սերը բոլորի հանդեպ, քանզի ինչ ձևակերպումներով և առ «ժողովրդի կամք» վաղուց հայտնի հղումներով էլ փորձ արվի արդարացնել նման քայլերը, անարարակույս է, որ ոչ մի ժողովուրդ չի կարող ունենալ պառակտված լինելու ցանկություն:

Մայր Աթոռը վերստին եղբայրաբար ողջախոհության է կոչում Կիլիկիո Կաթողիկոսությանը և ողջունում ամեն քայլ՝ ուղղված երկփեղկվածության հաղթահարմանը և կանոնական վիճակի վերահաստատմանը Հայ Եկեղեցում, և հրավիրում է իր զավակներին՝ նախանձախնդիր ու միասնական լինելու բարդ ժամանակների թելադրանքով ծնունդ առած երկպառակության՝ շուրջ կենդանի խնդրի կարգավորման ճանապարհին: «Սիրո գերագահություն»՝ ահա Մայր Աթոռի գերագահության խորհուրդը ինչպես երեկ, այնպես էլ այսօր և հավիտյան:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴ

Ս. Էջմիածին,

2 ապրիլի 2004 թ.